

Mid-Day Dogri News Bulletin, 04th July 2024

समे – 12:25

<><><><><><>

NITI Aayog

निति आयोग अज्जै थमां त्रे म्हीने दा संपूर्णता आगियान चला'रदा ऐ। 30 सितम्बर तगर चलने आले इस अभियान च मुख भरे च 6 प्रमुख संकेतके पर आधारित परिपूर्णता हासल करने आस्तै आकांशी जिले ते आकांशी ब्लॉकें च केई सारी गतिविधियां ते जतन कीते जांगन। एहदे तैहत मुख भरे दे 112 जिले ते 5 सौ ब्लॉकें च 6 चुने गेदे बिंदुएं पर ध्यान दित्ता जाग। इंदे च ऐसी पटेयाली महिलाएं दा फीसद जिनेंगी दिक्खभाल लेई पंजीकृत कीता गेआ ऐ। मधुमेह थमां पीछडत्रत लोकें दा फीसद, हाइपरडेशन थमां पीडित व्यक्तिएं दी फीसद, ऐसी पटेयाली महिलाएं दा फीसद जिनेंगी बाद्दू पोषण प्रदान कीता जा'रदा ऐ। मिट्टी दे नरोए पन सरबंधी कार्ड जारी करने दा फीसद, ऐसे आप सहायता समूहें दा फीसद जिनेंगी रपे पैसे दित्ते न। आईसीडीएस तैहत नियमित गतिविधिणं अकांशी जिले च मुख बिंदुएं पर ध्यान दित्ता जाग, उंदे च पटेयाली महिलाएं दी दिक्खभाल, बाद पोषण, सकेँडरी सतह दे स्कूलें च बिजली दी उपलब्धताख बच्चे गी स्कूली कताबां उपलब्ध करौआने आले स्कूलें च फीस बगैरा शामिल ऐ। इस कार्यक्रम तैहत ओने आले दिनें च जिले ते ब्लॉक सतह पर त्रे म्हीने दी कार्ययोजना चलाई जाग ते हर क्षेत्र च प्रगति दी निगरानी कीती जाग। जागरूकता फैलाई जाग ते अभियान मूजब व्यवहार च बदलाव पर नजर रक्खी जाग।

<><><><><><>

Jaishankar SCO

विदेश मंत्री डॉ. एस.जयशंकर अज्ज कजाखस्तान दे अस्ताना च शंघाई सैहयोग संगठन-एससीओ शिखर सम्मेलन च भारती प्रतिनिधिमंडल दी अगुवाई करगंन। ओह एससीओ परिषद दे राष्ट्र-अध्यक्षें दी 24मीं बैठक च प्रधानमंत्री नरेन्द्र मोदी हुंदा प्रतिनिधित्व करै करदे न। इस शिखर सम्मेलन दे दरान नेता पिछले दऊं दहाके च संगठन दी गतिविधिणं दी समीक्षा ते बहु-पक्खी सैहयोग दी स्थिति ते संभावनाएं पर चर्चा करगंन। बैठक च इलाकाई ते अंतर्राष्ट्री महत्व दे मुद्दें पर बी चर्चा होने दी मेद ऐ। शंघाई संगठन च भारत दियां प्राथमिकतां प्रधानमंत्री हुंदे एसईसीयूआरई एससीओ दे नजरियै पर केन्द्रित न। इत्थें एसईसीयूआरई दा मतलक सुरक्षा, आर्थिक सैहयोग, संपर्क, एकता, संप्रभता ते इलाकाई

अखंडता लेई सम्मान ते पर्यावरण संरक्षण ऐ। भारत नै एससीओ दी अपनी पैहली प्रधानता दे तैहत् पिछले ब'रे 4 जुलाई गी वर्चुअल माध्यम कन्नै एससीओ मुख्खें दे राष्ट्र-अध्यक्षें दी परिषद दी 23मीं बैठक दी मेजबानी कीती ही। एह्दे शा पैहले कल डॉ. जयशंकर होरें संयुक्त राष्ट्र दे महासचिव एल्टोनियो गुतरेस ते कजाकिस्तान, रूस, बेलारेस, उज्बेकिस्तान ते तजिकिस्तान दे विदेश मंत्रिण कन्नै मलाटी कीती ही। उनें अस्ताना दे पुश्किन पार्क च महात्मा गांधी हुंदी प्रतिमा पर श्रद्धांजलि बी अर्पित कीती।

<><><><><><><>

Lok Sabha Rules

लोकसभा अध्यक्ष ओम बिरला होरें संसद दे हेठले सदन च नमें चुनोए दे सदस्यें दे सगंध लेने कन्नै जुड़े दे नियमें च संशोधन कीता ऐ। इसदे तैहत् नमें चुनाएं दे सदस्यें पर सगंध दरान कोई टिप्पणी करने ते नारेबाजी पर रोक लेई गई ऐ। नमें संशोधने मूजब लोकसभा अध्यक्ष दे दिशा निर्देश च इक नमां खंड शामिल कीता गेआ ऐ। एह्दे च हेठले सदन गी चलाने कन्नै सरबंधत किश ऐसे मामले गी नियमित करने आस्तै जोड़ेआ गेआ ऐ, जिंदा जिक्र पैहले थमां नियम च खास तौर पर नेई हा। नमें संशोधन मूजब कोई सदस्य भारत दे संविधान दी त्री अलुसूचि च तैह् स्वरूप दे मूजब सगंध लैग ते कुस होर शब्द जां अभिव्यक्ति दा इस्तेमाल इसदी शुरुआत जां खीर च नेई करोग। एह् नियम लोकसभा च बड़े सारे ऐसे चुने गेदे सदस्यें दे सगंध लैने मगरा बनाया गेआ ऐ जिनें सगंध च बक्खरे तौर पर किश टिप्पणियां जोड़ियां ते केइए एह्दा बरोध कीता।

<><><><><><><>

JK-Amarnath Yatra

इस ब'रे आली श्री अमरनाथ जी दी यात्रा दे पैहले 5एं दिनें च इक लक्ख थमां ब0 श्रद्धालुएं पवित्र गुफा च मत्था टेकेआ ऐ ते शिवें दे हिमलिंग रूपै दे दर्शन कीते न। दक्खनी कश्मीर च स्थित श्री अमरनाथ जी श्राईन च कल 30 ज्हार 586 श्रद्धालुएं मत्था टेकेआ। यात्रा शुरु होने थमां लेइयै कल्लै तगर इक लक्ख 5 ज्हार 282 श्रद्धालुएं पवित्र गुफा च बर्फू नै बने दे शिलिंग दे दर्शन कीते। केन्द्र शासत प्रदेश दी सरकार आस्सेआ यात्रा लेई लोड़चदे इंतजाम कीते गे न। यात्रिण दी सुरक्षा लेई पुख्ता बंदोबस्त कीते गे न। अज्ज जम्मू दे भगवती नगर आले आधार शिविर थमां 5 ज्हार 696 श्रद्धालुएं दा जत्था 219 गड्डिडएं दे काफले च सुआर

होई घाटी लेई रवाना होआ। इंदे च इक जहार 591 मर्द, 360 महिला, 5 बच्चें, 64 साधु ते 8 साध्वियां बालटाल लेई रवाना होए ते 2 जहार 896 मर्द, 651 महिला, 5 बच्चे, 103 साधु ते 13 साध्वियां पहलगाम आले रस्ते राएं अपनी यात्रा करगंन। सलाना श्री अमरनाथ जी दी यात्रा रमानदारी कन्नै जारी ऐ। जम्मू शैहर च इस यात्रा पर जाने लेई हर रोज केई सारे श्रद्धालु पुज्जा'रदे न। इस ब'रे दी एह सलाना यात्रा पिछले म्हीने दी 29 तरीक शुरू होई ह ीते अगले म्हीने 19 अगस्त गर रक्खड़ पुल्लेआ आले दिन सम्पन्न होई जाग।

<><><><><><><><>

Team India Return

टी-20 क्रिकेट विश्व कप विजेता भारतीय टीम अज्ज बडलै बारबाडोस थमां दिल्ली हवाई अड्डे पर पुज्जी गई ऐ। दिल्ली दे अंतराश्ट्रीय हवाई अड्डे पर भारतीय क्रिकेट टीम दे बड़ी बद्ध गिनतरी च प्रशंसक मजूद हे जिनें बड़े जोरें-शोरें उंदा सुआगत कीता। भारतीय टीम बारबाडोस च होए दे महा मकाबले दे मगरा बेटिल तूफान च फसने दी वजह कन्नै वापस पुज्जने च चिर लग्गा। भारतीय टीम दा मुंबई लेई रवाना होने थमां पैहले प्रधानमंत्री नरेन्द्र मोदी हुंदे आवास पर उंदे कन्नै मलाटी करोग। बीसीसीआई दे सचिव जय शाह होरें जानकारी दित्ती ऐ जे मुंबई च विजेता टीम इक ओपन बस राएं रोड शोह करोग। एह रोड शो नैरीमन प्वाइंट थमां वानखेडे स्टेडियम तगर होग, जेहड़ा संजा 5 बजे थमां 7 बजे तगर चलोग। मगरा वानखेडे स्टेडियम च बीसीसीआई भारतीय टीम गी जेत्तु बनने लेई इनाम दी राशि बी देग। टी-20 विश्व कप जित्तने लेई आयोजित कीते जा'रदे रोड शाह लेई पुलस आस्सेआ व्यापक इंतजाम कीते गे न। इस मौके क्रिकेट प्रेमिएं दा खासा रशा बी होई सकदा ऐ।

<><><><><><><><>

Wimbledon Mens Double

लंदन च विम्बलडन टेनिस च भारत दे रोहन बोपन्ना ते उंदे आस्ट्रेलियाई जोड़ीदार मैथ्यू एबडेन मर्दे दे डबल्स च अपनी प्रतिद्धंदी जोड़ी गी हराइयै अगले दौर च पुज्जी गे न। बोपन्ना ते एबडेन नै सैंडर अरेंडस ते रॉबिन हासे दी जोड़ी गीकड़े मकाबले च हराई दित्ता। हालांकि भारत दे सुमित नागल ते उंदे सार्वियाई जोड़ीदार दुसान लाजोविच गी मर्दे दे

डबल्स दे पैहले दौर च सिद्धे सेटें च हार दा सामना करना पेआ। नागाल ते उंदे जोड़ीदार
6-2, 6-2 कन्ने हारी गे।

